

დამტკიცებულია

შპს სკოლა ნერგების

დირექტორის ბრძანება N01-03/41; 16.09.2024

მოსწავლეთა თვითმართვულობის

დებულება

1. მოსწავლეთ თვითმართველობა

1. მოსწავლეთა თვითმმართველობა საბაზო და საშუალო საფეხურის მიხედვით დელეგირებული არჩევითი ორგანოა.
2. წარმოადგენს სკოლის მართვის სტრუქტურულ დანაყოფს და უზრუნველყოფს მოსწავლეთა მონაწილეობას, როგორც თავისი კლასის, ასევე სკოლის მართვაში.
3. თვითმმართველობის სტრუქტურის მოდელს საფუძვლად უდევს საქართველოს კანონი “ზოგადი განათლების შესახებ”
4. მოსწავლეთა თვითმმართველობის არჩევნები ტარდება თანასწორობის საფუძველზე ფარული კენჭისყრით, გამჭვირვალებისა და კლასების მიხედვით მოსწავლეთა თანაბარი წარმომადგენლობის პრინციპების დაცვით.
5. სკოლის თვითმმართველობის არჩევნები ტარდება სასწავლო წლის დაწყებიდან ერთი თვის ვადაში
6. მოსწავლეთა თვითმმართველობაში თითოეული კლასის მოსწავლეები ირჩევენ თითო წარმომადგენელს, მომდევნო სასწავლო წელს მოსწავლეთა შესაბამისი თვითმმართველობის ახალი არჩევნების ჩატარებამდე;
7. მოსწავლეთა თვითმმართველობის არჩევნებში მონაწილეობის მიღების უფლება აქვს საბაზო და საშუალო საფეხურის ყველა მოსწავლეს;
8. საბაზო და საშუალო საფეხურების თითოეული კლასის მოსწავლე ხმას აძლევს ერთ კანდიდატს მოსწავლეთა თვითმმართველობაში ასარჩევად. გამარჯვებულად ითვლება მოსწავლე, რომელიც მეტ ხმას მოიპოვებს;
9. მოსწავლეები, რომელთაც სურთ არჩეულნი იყვნენ საბაზო და საშუალო საფეხურის თვითმმართველობაში, რეგისტრაციას გადიან შესაბამისი კლასის დამრიგებელთან არჩევნების ჩატარებამდე არა უგვიანეს 3 დღით ადრე;
10. მოსწავლეთა თვითმმართველობის წევრობის კანდიდატებს უფლება აქვთ აწარმოონ წინასაარჩევნო აგიტაცია და კამპანია;
11. თვითმმართველობის წევრები არჩევნების შედეგების გამოქვეყნებიდან შვიდი დღის ვადაში, საკუთარი შემადგენლობიდან სიითი შემადგენლობის უმრავლესობით, ირჩევენ თვითმმართველობის თავმჯდომარეს, რომელიც ხელმძღვანელობს საბაზო და საშუალო საფეხურის მოსწავლეთა თვითმმართველობას;
12. მოსწავლეთა თვითმმართველობის თავმჯდომარე აირჩევა მოსწავლეთა შესაბამისი თვითმმართველობის ახალი არჩევნების ჩატარებამდე.
13. ჩატარებული არჩევნები დასტურდება შესაბამისი ოქმებით.
14. მოსწავლეთა თვითმმართველობების არჩევნების ჩატარების თარიღს ნიშნავს სკოლის დირექტორი;

2. მოსწავლეთა თვითმმართველობის თავმჯდომარის ფუნქციები

2.1. მოსწავლეთა თვითმმართველობის თავმჯდომარე

- ა) ხელმძღვანელობს მოსწავლეთა თვითმმართველობას;
- ბ) წარმოადგენს მოსწავლეთა თვითმმართველობას სკოლის დირექციასთან და მესამე პირებთან ურთიერთობაში;

გ) კოორდინაციას უწევს მოსწავლეთა თვითმმართველობის მიერ შექმნილი კლუბების საქმიანობას;
დ) კანონმდებლობით დადგენილი წესით ახორციელებს სხვა უფლებამოსილებებს.

3. თვითმმართველობის მუშაობის წესი

3.1. მოსწავლეთა თვითმმართველობას ხელმძღვანელობს თვითმმართველობის მიერ არჩეული თავმჯდომარე, ხოლო მისი არყოფნის შემთხვევაში სხდომას წარმართავს თვითმმართველობის მოადგილე;

3.2. თვითმმართველობის პირველი სხდომა იმართება მოსწავლეთა თვითმმართველობის არჩევიდან 7 დღის ვადაში, ხოლო შემდგომ - მოსწავლეთა თვითმმართველობის თავმჯდომარის მიერ საჭიროების შემთხვევაში.

4. თვითმმართველობის ძირითადი ფუნქციები

4.1. თვითმმართველობა დასახული მიზნების მისაღწევად ახორციელებს შემდეგ ძირითად ფუნქციებს:

□ თანამშრომლობს დირექციასთან და სხდომებზე მიღებულ გადაწყვეტილებებს ათანხმებს მასთან;

□ იცავს მოსწავლეთა ინტერესებს და მათი უფლებებს, საჭიროების შემთხვევაში

შუამდგომლობს მოსწავლეებს სკოლის დირექციასთან;

□ ხელს უწყობს სკოლაში არსებული კლუბების აქტიურ მუშაობას;

□ მონაწილეობას იღებს სკოლაში მიმდინარე ღონისძიებების, პროექტების დაგეგმვასა და განხორციელებაში;

□ შუამდგომლობას აყენებს სკოლის დირექტორთან გამორჩეული მოსწავლეების წახალისების საკითხთან დაკავშირებით;

□ გეგმავს გამოფენებს სკოლის ტერიტორიაზე სკოლის დირექტორთან შეთანხმებით;

□ შეიმუშავებს რეკომენდაციებს სკოლის შინაგანაწესთან დაკავშირებით;

□ დირექტორს წარუდგენს წინადადებებს სკოლისთვის მნიშვნელოვან ყველა საკითხთან დაკავშირებით.

5. მოსწავლეთა თვითმმართველობის წევრისა და თავმჯდომარისათვის უფლებამოსილების შეწყვეტის წესი

5.1. საბაზო და საშუალო საფეხურების მოსწავლეთა თვითმმართველობის თავმჯდომარისათვის/წევრისათვის უფლებამოსილების ვადამდე შეწყვეტის საფუძველია:
პირადი განცხადება;

5.1.1. მოსწავლის სტატუსის შეჩერება/ სკოლიდან ამორიცხვა/ სწავლის დასრულება;

5.1.2. სკოლის შინაგანაწესის ან წინამდებარე დებულების წესების უხეში დარღვევა;

5.1.3. არასაპატიო მიზნით 2 თვის მანძილზე მასზე დაკისრებული მოვალეობის შეუსრულებლობა;

5.1.4. სასამართლოს მიერ ქმედუუნაროდ, გარდაცვლილად ან უგზოუკვლოდ დაკარგულად გამოცხადება;

5.1.5. სხვა ობიექტური გარემოება.

5.2. საბაზო და საშუალო საფეხურების მოსწავლეთა თვითმმართველობის თავმჯდომარის უფლებამოსილების ვადამდე შეწყვეტის შემთხვევაში, მოსწავლეთა თვითმმართველობა შესაბამისი საფეხურის მოსწავლეთა თვითმმართველობის დარჩენილი წევრებიდან ირჩევს თავმჯდომარეს დარჩენილი უფლებამოსილების ვადით.

6. მოსწავლეთა თვითმმართველობის დაფინანსების წყაროებია:

ა) სკოლის ბიუჯეტი;

ბ) სხვა, კანონით ნებადართული შემოსავლები.

7. დებულების დამტკიცება და ცვლილებების შეტანა

7.1. მოსწავლეთა თვითმმართველობის დებულებას ამტკიცებს სკოლის დირექტორი;

7.2. დებულების დამტკიცება, მასში ცვლილებებისა და დამატებების შეტანა ხდება შესაბამისი წინადადებების მოსწავლეთა თვითმმართველობის სხდომაზე განხილვის შედეგად.

მოსწავლეთა თვითმმართველობის სტრუქტურა

